

علشان خاطر عُيونك



علشان خاطر عيونك

فؤادنا في قلبنا



عُشَانُ خَاظِرِ عِيُونِكُ

الشاعر العربي الكبير

د / سهل بن عبد الكريم

(صهيل)

اسم الكتاب : عشان خاطر عيونك

اسم المؤلف : سهيل بن عبد الكريم

النوع : شعراعية

رقم الإيداع : ٢٠١٩/١٠٧٦٣

التقييم الدولي : 2 - 2 - 85501 - 977 - 978

الإخراج الفني : فتحي جبر الربا

المدير العام : نورا جويدة

المستشار العام : محمد جاويش

مدير النشر : أحمد عبد الجواد



مؤسسة ضياء الأديبة

بيت الشعر العربي

رئيس مجلس الإدارة : سهيل بن عبد الكريم



إهداء

إلى

سيدة الحرف

وأميرة الشعر العربي

نورا جويده

في خاتمة رحلة الكلمة

لا أجد من الكلمات

التي تفي حقك

ولا أجد من الثناء عليكِ

إلا الدعاء بالتوفيق لكِ

في كل مراحل حياتك

تقبلي مني من أجل عينيكِ

تقبلي مني هذا الكتاب

(صهيل)



علشان خاطر عيونك

فؤادنا في قلبنا



عشان خاطر عيونك

فؤادنا في قلبنا



عشّان خاطر كحل عيونك

قلبي يعدي فوق الوقت

جسمي يطير ويفوت على خلق

مهما ناداني الهجر في بعدك

قلبي ينادي عليك من بعد

قلبي جدار واتصاب في الشق

زي الشق في روح تعبانة

زي كلام ساكت ويانا

زي الدفا في الشتا والبرد



(٢)

يا كحلها الرماش

قلبي ارتعش أم خاف

لما هواها شاف

طعم الغنا والفرح

يا لازمة توبي لضم

بشكيكي أب وأم

موال حنانك لم

كل الكلام بيوم

(١٠)



شعرا وملوك كتاب
في حضرة الصلوات
نساكها أو عباد
بالشوق يغنوا لك
موال حنائك وأنا
عاشق مواويلك
مهما أتوه في المدى
إنتي الهدى في الحب
والحب ده دليلك



إمتى أعيش جنبك

والنبض في قلبك

يحكي لي

أحكيك

(٣)

الكحل لون الورد

والنجم لون السما

والضي لون الصبح

(١٢)



والوقت فات في الهنا

بقطف ورود عمري

وبأيدي هـ "قطفني"

يمكن تحني في يوم

حنيتك قارب

والعمر متقارب

وسنيني بتعدي

وانتي الشطوط والبحر

عدي لي اعدي لك



نفسى أكون شمعة

نفسى أكون لك نور

واضوي قنديك

أصبح لقانا الحلم

طب إمتى يتحقق

وقابلت قبلك ناس

من كل لون أو شكل

طب مين هيقدر يوم

يبقى بديل الروح



معقولة فيه بديك ؟

يا ام الدعا والهمس

وحبيبه بكرة وأمس

إن يوم نسيت ادعي

القلب يدعي لك



عشان خاطر عيونك

فؤادنا في قلبنا



عشان خاطر عيونك

فؤادنا في قلبك الأبدية

صباح الخير



عشان خاطر عيونك

فؤادنا في قلبنا



صباح الورد والنرجس

صباح الفل

والطيبة

صباح يغسل

هموم الكون

صباح عمره ما كان خايف

صباح شايف

دموع الشوق مع الغيبة



صباح عارف ملامح وشك الصافي

بيجي بطهر وبهيبه

صباح خالي من الأوجاع

وم اللي باع

صباح صبح على عيونك

فقال الله

وطهر قلبه بالتوبة

صباح مغسول من الأحزان

ومكتوب له الفرح عنوان



صباحك فيه

عيون الحقد

معمية ومعصوبة

صباح الشهد والغفران

وبسم الخالق الرحمن

وكل السكرانين بالشوق

صباح الخطوة فوق خطوة

وكل حياتنا مكتوبة



صباح بيهون الشدة

أمر عدة

تعدي

تعجل الشيبة

واهي أيام

ومحسوبة

ولا يهم الصباح لما

نكون لمة



ووسط الأهل

يجي صباح

ببسمه ..

وفرحة محبوبة

صباح الضحكة من قلبي

يُهُون غلبي

ما دام القلب

متنمرد

ورافض



عيشة الأحزان

وكل أيامه

مكتوبة

صباح التمر والحنة

وقعدة شاي

في صبح حنون

وسهراية

وغنواية

وأمي حلوة بدلالها



تكون في الطاولة مغلوبة

صباح الصبح يا وطني

يا أحلى من كلام الشعر

وكل اللي سمع شعري

ضحك

أو قالي

ملعوبة



عشان خاطر عيونك

فؤادنا في قلبنا



أنا إنتي





أنا يا روعي مجنونك

وعايش بس بعيونك

بصدق كل ما قلتي

أنا حبك

أنا إنتي

بعيش الرقة في سماك

أنا آدم وأنا معاكي

وانا حبيت

دلح تفاحي في غصونك



أحبك بس يا عمري

ويا روحي

ويا قدري

أنا مغرم

بحبك حتى بشجونك

ومجنونك

وبقرا لك كلام المهمومين بالحب

وبعزف لك على وتر البكا أناشيد



وبعشق طيف هدى قلبي لمحرابك

ونظرة عينك الأطيب

وضحكة قلبك الطيب

يا دنيا عيشتها في قلبي

يا عشق الروح

يا لطف وجاني من ربي

بحبك موت



عشان خاطر عيونك

فؤادنا في قلبنا





ونصري هو إنت وبس

تسبني أعيش أنا لوحدى

ومن تاني تعيد في القصة والترتيل

يا سورة مريم الطاهرة

يا فتح مبين

يا تجويد الحنين والحب

عشقتك قد ما بنعشق سواد الليل

ونور الصباح



وظلة شمس ع البردان

وعايز بعد ما عشقتك

تعيد من تاني في جروحي

وتكتبني في صفحة بعد

أنا ناسية كتاب اللوعة والحرمان

وبكذب لسه على نفسي

وقلت المستحيل هو فراق صورتك

كأني

عشت أكذب عمر



وأرسم في الطريق أحزان

وعشت أقول

ده مش ممكن

يروح تاني

صحيت من حلمي فلاقيتك

كتاب باير

بدون عنوان



عشان خاطر عيونك

فوق مستر شيخنا الأديب

قالوا انساها



عشان خاطر عيونك

فؤادنا في قلبنا



وقالوا لي كثير

وصوتهم في الصدى ضايع

قالوا لي انسى

وحاول تنسى معشوقتك

وتمثال اتعمل من روح

قالوا لي

بكرة راح تنسى دموع وجروح

وحبك في التاريخ مكتوب

وقصة هتتروي بسلام



هزاييم مغرمين زيك

وياما في عشقهم خاضوا

غرام وحروب

فقولت لهم:

وردي سكات



(٢)

سألني حكيم:

هيّ مرآيتك

صورة وواضحة

ولا القلب معادش يشوف؟

يا اللي دبحتي القلب بنظرة

هو بكايا مش مكشوف؟

(٤٣)



(٣)

مرة قابلت طبيب فسألني:

هو حنانك إنت عليها

في يوم قساها ؟

واما جاوبته: رد بحسرة

آاااااه م الآهه

آه ويا ريتني سمعت كلامهم

لما قالوا لي في يوم

انساهها

(٤٤)



كنت بقول

إن حياتي وروحي فداها

كنت بحب

ويمكن أعمى

لما أتخيل

إن الشمس

بتطلع بس بسر سناها

أيوه يا ريتنى سمعت كلامهم



لما قالوا لي في يوم انساها

دامع نبضي

وكان بيصونها؟

دامع نبضي..

اللي رفعها

زي النجمة؟

دامع نبضي سر غلاها؟

كنت بحب ولو هيعدي العمر بحاله



وانا مستني

كنت بقول العمر يعدي

وهستناها

كنا في بحر الهوى عشاق

كنا جنابين ورد تفوح

كنا اصحاب وملايكة وروح

جرحي في دنيا الهوى

توبني



لما سمعت كلام الناس

أيوه نسيت

من قسوتها القلب نسيها

نسيها خلاص



أي دَمْعَةٍ حُزْنٌ لَا



عشان خاطر عيونك

فؤادنا في قلبنا



"أي دمة حزن لا"

يا اللي سر قلبي فيك

يا اللي طبطبتني عليك

هي راس مال الغرام

هي رسمة بالكلام

هي بحر من الهوى

هي مركب

هي صاري



هي خلخال الحنين

هي تصبيرة الأنين

لما قلبي بشوق يعيط

إنه ما شافها سنين

مش هموت

ومش هضيع

كل لحظة ضعف ليك

علمتني ازاي أبيع



إتولد في الشوق كلام

وانتي خوفي يأسِي مُري

طيريني كَ الحمام

أو في مرة عليا مُرِّي

أي دمة حزن لا

كنت سهم وصاب جروحي

كنت طعم العشق نوحِي

كان غرور قلبك فظيع



كنت تلميذة في هواك

ههجرتك من غير ما افكر

وابقى دوق نفس الصنيع

أي دمة حزن ماتت

حط في الصفحة الأخيرة

وبقلم توقيع

سهيل

(٥٤)



حَاوَلْتُ أَنْسَاكَ



عشان خاطر عيونك

فؤادنا في قلبنا



حاولت أداريك بأحزاني

حاولت أنسى

ونبض الحب كان بينا

وجوه القلب

في مكاني

حاولت وبس ماقدرتش

حاولت انساك



يا تسبيح الملاك في الضهر

يا أحضان الهوا في العصر

يا مغرب ظل ع الشباك

يا روح هايمة

بشوفك في الشوارع ضي

واشوفك صورة ع الجدران

واحاول أنشغل عنك



وبزده الاقبيك

هنا في قلبي

ومش بانساك

وبعشق روحك الأهلئ

غويتك

عادي لما اغوي قمر غالي

واكون مجنون



لو اتصور بان البدر يهواني

ماعوضنيش غرام تاني

أنا دايب في شهد الشوق

ومسحور العين والقلب

طريق مسحور

وانا مشيته

ونجاني



نهار النور على وشك

وسيبني أكون صباح حُبك

ولمّا نجومى تشتاق لك

هتسأل عني كل هوان

أنا إنسان

ودايب في الحنين غرقان

أنا مخلوق عشان عشقك



ومش هنسى

تعالى

أغرقك أحضان



عشان خاطر عيونك

فؤادنا في قلبنا



صعب هجرك

بس كل المستحيل

إني أهجر

قلبي بالأشواق عليل

صعب هجرك

بس كل المشكلة

إن حلّي مش في إيدك

حلي هو المشكلة



حلي إني

ألقى قلب جديد ما حب

أو ندور عن حكاية

بتنتهي باتنين وحب

أو الأقي إجابة واضحة

عن سؤالي جوه عقلك

يعني إيه طعم السلام

بالإيدين



يعني إيه طعم الهوا

لما اشمه قبل منه

يعني إيه الشمس تطلع

قبل ما اصبح عليه

يعني إيه القلب طاير م الفرح

لما بيسلم عليه

ألف يعني ويعني إيه

والوجع هو الجواب



هو نقطة ضعف فيا

هو ضلمة نور عنيا

هو طلقة غدر طلعت

صابت القلب الحزين

هو طاقة حزن فتحت

هو أوجاع السنين

هو حزن أهل مكة

لما مات فيهم رسول



هو دمع صحابة عاشوا

لما فاتهم

نظرة الصادق

أمين



عشان خاطر عيونك

فؤادنا في قلبنا



عشان خاطر عيونك

فؤاد محمد عبد الرحمن

مؤعد





"موعود يا قلبي"

موعود انا

أكون في القرب متهني

واكون في البعد ك الفارس

أحارب في الهوى طواحين

وأبكي والبكا دارس

علامات الحنين والعشق



موعود انا

مش ضمن وعدي

إنما

موعود انا

بالهجر بس

موعود انا بالنبض يفرح يوم لقاءك

دلوقت بين نبضي وبينك ألف سد



موعود معاك

بدموع فراق

وآلام وهجر

موعود انا

أكتب في معجم الاشتياق

كلمة فراق

وصبحت في المعجم دليل



القهر نيل

والشاربين هما أنا

والشوق حدود

والمبعودين

هما أنا

موعود بصوتك بسمعه

يملا الوجود



موعود اُغنی الآہ حزین

موعود دموعي تبقی شاهد

م الشهود

موعود

تكون ناري

وانا

من جنتك مطرود



عشان خاطر عيونك

نومستة شهياك الأربعة



صوتك



عشان خاطر عيونك

فؤادنا في قلبنا



(١)

ولإن صوتك

علمّ الشمس الشروق

ولإن صوتك في الحياة

هو صوت شوق الحياة

ولإن صوتك هو فرح بدون شهود

هو بلبل في الصدى

(٨١)



بيردد التسبيح عهد

بيصحي ليلى من منامه

يقوله فُوق

بيبوس إيدين الشوق بلهفة

يهدده بالذوق

ولإن صوتك كل ده

خليك شروق



وابعد عن الروح الغروب

(٢)

صوتك سما

بيخلي كل حياتي شوق

صوتك نجوم

بتأخذني فوق

(٨٣)



صوتك بيمحي العكنة

ويقول لقلبي

يالله رُوق

بيفك أسر الروح بتنهيده وسلام

بيجزي دم الحب في جسم الكلام

صوتك يصحي طعم مات

جوه العروق



صوتك بيسري زي ما

بيسري الصدى

وبيزرع النور في الشقوق

صوتك ملك

وبينصف المظلوم في محكمة الحقوق

صوتك بينهي غربتي

ويفك أسر المسجونين



صوتك كما الصفصاف بيتمايل حنين

صوتك نغم

بيصحي روح الحب

جوه المهزومين

صوتك بيشبه صوت لقا

بعد الغياب

ولهفة المعشوق أنين



صوتك

ما بين تسبيحة الناي والكمنجة

وقت عيد المغرمين

صوتك يحبه الشعر

تهديه الملوك زي السلام

صوتك ينام جوه معزوفته الغرام

صوتك بيشبه



غنوتك

والاحتفال

صوتك هواك

صوتك ده إكسیر السعادة

في الحياة

كل اما بسمع رنة المشتاق في همسك

بعترف إنك ملاك



عشان خاطر عيونك

نؤمن بشأن حياتك الأبدية

عشان أرضيك



عشان خاطر عيونك

فؤادنا في قلبنا



عشان أرضيك

عملت من الحروف بذرة

تتبت فرح

فوق أراضيك

وجبت من الحنين فستان

عشان اخلو

جوه عينيك



عشان ارضيك

عميت عيني

ما شوفتش في الحياة غيرك

مفيش غيرك

وقلت لنفسي

إيه يعني

تهون روعي



تهون وافديك

عشان كرمك مغرقني

فقلت اعمل عشانك شيء

يوفي الحب

ويوفيك

وقلت الشعر انا عنك

غزلت الحب



بتحتاجني تلاقيني

ولما احتاج

أكون جنبك

ولا بلاقيك

حاولت ارضيك

وانا بالحزن مسقية

وخنجر هجرك المسموم



يبات فيا

واخبي عليك

حاولت ارضيك

وما رضتشي

وقلت لنفسي إتنازلي

يا ريت عمري

كمان يكفيك



ولما طمعت في الأكثر

كسرتني بيك

يا ريتني حاولت

أوصفك

بإني رحلة من عمرك

نهتها إيديك



وانا في نهاية الرحلة

عرفت اني

عجزت ارضيك



عشان خاطر عيونك

نور مستشرقينك الأبرار

إوعى



عشان خاطر عيونك

فؤادنا في قلبنا



بكرة هكتب

فوق حيطاني

إني عاشقة

بكرة هغرق

جوه بحرك

بكرة هوصف لون عينوك

زي قوس قزح الخيال

بكرة هعمل من رموشك



مجدافين

من جدائل شوق شعورك

هبني مركب

محترف فيك اللقا

هنجرف

من شط روجي

واغرَقَكْ

بكرة هنشد فيك نشيد:



"يا حبيبي

ونور عينا

هون الوجع اللي فيا

عايزة اسيب للشوق ايديا

اوعى تتأخر عليا

عايزة بكرة

يجي بكرة

نفسى يبقى



الفهرس

٥	إهداء
٧	كحل عُيونك
١٧	صباح الخير
٢٧	أنا إنتي
٣٩	قالوا انساها
٤٩	أي دَمعة حُزنٌ لا
٥٥	حَاوَلْتُ انساك
٦٣	هجرك
٧١	موعود
٧٩	صوتك
٨٩	عشان أرضيك
٩٩	إوعى
١٠٥	الفهرس
١٠٧	السيرة الذاتية للشاعر



عشان خاطر عيونك

فؤاد محمد عبد الرحمن



السيرة الذاتية للشاعر سهل بن عبد الكريم (سهيل)

- من مواليد المدينة المنورة
- رجل أعمال بكالوريوس علوم تخصص أحياء دقيقة
- عضو النادي الأدبي بالمدينة المنورة
- عضو جمعية الثقافة والفنون بالمدينة المنورة
- عضو اتحاد الكتاب بمصر
- عضو رابطة الأدب الحديث (جماعة أبلو)
- عضو المركز الدولي لحقوق الانسان
- عضو المنظمة العالمية للكتاب الأفريقيين والاسيويين
- حاصل على الدكتوراه فى الأدب العربى
- مستشار بالتحكيم الدولى
- له عدة دواوين صدر منها :
 - الديوان الأول: رسائل إلى امرأة مجهولة (الجزء الأول)
 - الديوان الثانى : رسائل إلى امرأة مجهولة (الجزء الثانى)
 - الديوان الثالث : ثورة سهيل
 - الديوان الرابع : مزامير سهيل
 - الديوان الخامس : سهيل الحروف
 - الديوان السادس : سهيل والعود (ديوان غنائى)
 - الديوان السابع : نجود ورسائل العشق الأربعة
 - الديوان الثامن : كل الحكاية امرأة
 - الديوان التاسع : إلا أنت
 - سيصدر له عدة دواوين قريباً جداً